



BOSNA I HERCEGOVI NA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK

Tel: 032 650 022
032 650 547
Fax: 032 650 220

www.opcina-tesanj.ba
E-mail: optesanj@bih.net.ba
fuad.sisic@opcina-tesanj.ba



Trg Alije Izetbegovića 11,
74260 Tešanj

Broj: 02-38-3-4261/10.

Datum: 29.11.2010. godine

Na osnovu člana 2. Odluke o stipendiranju redovnih studenata dodiplomskog studija (prvog ciklusa) u akademskoj 2010/11. godini i tačke VI. Kriterija za dodjelu stipendija redovnim studentima viših i visokoškolskih ustanova, Općinski načelnik **r a s p i s u j e**

K O N K U R S **za dodjelu stipendija redovnim studentima dodiplomskog studija (prvog ciklusa)** **u akademskoj 2010/11. godini**

Općina Tešanj raspisuje konkurs za dodjelu stipendija redovnim studentima dodiplomskog studija (prvog ciklusa) u akademskoj 2010/11. godini, sa područja općine Tešanj, koji studiraju na višoj ili visokoj školskoj ustanovi u BiH, pod uvjetom da ne primaju kredit ili stipendiju od drugog kreditora, odnosno stipenditora, da ne ponavljaju godinu studija i da nemaju status apsolventa.

Pravo na prijavu imaju svi studenti čija primanja po članu domaćinstva ne prelaze 450 KM (ne odnosi na PPBiŠ, studente sa prosjekom iznad 9 i učenike generacije iz srednje škole).

Prednost kod izbora, bez bodovanja, imaju kandidati - pripadnici sljedećih kategorija:

- studenti iz kategorije PPBiŠ
- nadareni studenti sa prosjekom ocjena na fakultetu 9 i više i
- studenti koji su proglašeni za učenike generacije u srednjoj školi.

Svi kandidati iz ovih kategorija stipendiju dobivaju automatski, bez bodovanja i bez obzira na profil zanimanja.

Studenti iz porodice RVI sa stepenom invalidnosti sa i preko 50% takođe stipendiju dobivaju automatizmom ukoliko im primanja po članu domaćinstva ne prelaze 450 KM;

Lista prioriteta ostalih učesnika konkursa bit će sačinjena po osnovu ostvarenog broja bodova u skladu sa Kriterijima za dodjelu stipendija studentima viših i visokoškolskih ustanova za akademsku 2010/11. godinu, a prema sljedećim kategorijama:

1. Ostvareni uspjeh;
2. Godina studija;
3. Socijalno-ekonomska situacija;
4. Dva ili više studenata iz jedne porodice
5. Studenti sa invaliditetom
6. Postignuti rezultati na takmičenjima i posebna priznanja.
7. Bodovi za deficitarna zanimanja (mašinstvo, građevina, arhitektura, medicina i farmacija)
8. Studenti sa istim brojem bodova

O odobrenoj stipendiji zaključuje se ugovor, kojim se pobliže uređuju prava i obaveze ugovornih strana.

Stipendija se dodjeljuje za 2010/11. akademsku godinu, u 10 jednakih rata.

Zainteresovani kandidati trebaju priložiti slijedeću dokumentaciju:

1. Zahtjev - prijava za odobravanje stipendije,
2. Ovjereni kopija lične karte studenta
3. Izjavu pod materijalnom i krivičnom odgovornošću da ne prima stipendiju ili kredit od druge organizacije, preduzeća ili javne ustanove, (ovjerenu u šalter sali),
4. Potvrdu- uvjerenje o redovnom studiju, kojim se dokazuje da je student prvi put upisan u godinu studija **sa naznakom ciklusa**
5. Ovjereni kopiju svjedodžbe I-IV razreda srednje škole (za studente prve godine),
6. Diplomom ili potvrdu učenika generacije (za studente prve godine koji su proglašeni učenikom generacije),
7. Potvrdu - uvjerenje sa ocjenama o položenim ispitima u predhodnim godinama studija i izvedenom prosječnom ocjenom (**ne može kopija indeksa**),
8. Ovjereni kućnu listu,
9. Potvrdu- uvjerenje o primanjima-prihodima članova domaćinstva ili druga adekvatna potvrda o imovnom stanju (**pogledati tačku 3. Kriterija koja se odnosi na vlasnike i direktore preduzeća kao i vlasnike samostalnih radnji**),
10. Potvrdu o radnom statusu (ako se nalazi na evidenciji Zavoda za zapošljavanje),
11. Potvrdu o stepenu invalidnosti roditelja, potvrdu o statusu člana PPBiŠ, (za studente nevedenih kategorija).
12. Dokaz o studiranju dva ili više studenata iz jedne porodice (ako su oba studenta prijavljena na konkurs)
13. Uvjerenje o invalidnosti za studenta
14. Dokazi o postignutim posebnim priznanjima

Nepotpuna dokumentacija neće se uzimati u razmatranje. U slučaju da se ustanovi da je neko od kandidata dao pogrešne podatke i informacije, kandidat gubi pravo na dalje učestvovanje u konkursu.

Konkurs ostaje otvoren od 01.12.2010. do 20.12.2010. godine.

Prijave na Konkurs sa potrebnom dokumentacijom mogu se predati lično u Šalter sali ili poslati poštom na adresu Služba za opću upravu i društvene djelatnosti Općine Tešanj, sa naznakom («**KOMISIJI ZA DODJELU STIPENDIJA**»).

Rezultati konkursa, odnosno rang lista odobrenih stipendija bit će istaknuta na oglasnoj ploči Općine Tešanj i web stanici Općine, nakon okončane procedure.

Sve informacije u vezi dodjele stipendija mogu se pročitati na oglasnoj ploči Općine Tešanj, web stranici Općine www.opcina-tesanj.ba, ili dobiti usmeno na Info pultu (Šalter sala), kao i na broj telefona 650 - 416.

DOSTAVLJENO:

1. Oglasna ploča,
2. web stranica,
3. Šalter sale Tešanj, Jelah, Tešanjka
4. a/a

OPĆINSKI NAČELNIK

Fuad Šišić, dipl.ing.maš.